

【传世文选】

古

女

词类纂

(九)

谭国清◎主编

延续中华文明千古名篇

西北出版社

传世文选

古

女

词类纂

(九)

谭国清◎主编



西北出版社

延续中华文明千古名篇

图书在版编目(CIP)数据

传世文选:古文辞类纂/谭国清主编. —北京:西苑出版社, 2011. 4

ISBN 978-7-80108-707-2

I. 传… II. 谭… III. 文学—作品综合类—中国 IV. I211

中国版本图书馆 CIP 数据核字(2002)第 103327 号

古文辞类纂(九)

编 著 谭国清

出 版 人 杨宪金

出版发行 **西苑出版社**

通讯地址 北京市海淀区阜石路 15 号 邮政编码:100143

电 话:010-88624971 传 真:010-88637120

网 址 www.xycbs.com E-mail: xycbs8@126.com

印 刷 北京昌平新兴胶印厂

经 销 全国新华书店

开 本 850mm×1168mm 1/32

印 数 1—3000 册

字 数 460 千

印 张 40.5

版 次 2011 年 4 月第 3 版

印 次 2011 年 4 月第 1 次印刷

书 号 ISBN 978-7-80108-707-2

定 价 268.00 元(全九册)

(凡西苑版图书如有缺漏页、残破等质量问题,本社邮购部负责调换)

版权所有 翻印必究



目 录

古文辞类纂六十五

辞赋类五	(1)
司马长卿子虚赋	(1)
司马长卿上林赋	(4)
东方曼倩非有先生论	(9)

古文辞类纂六十六

辞赋类六	(12)
司马长卿哀二世赋	(12)
司马长卿大人赋	(12)
司马长卿长门赋	(14)
司马长卿难蜀父老	(16)
司马长卿封禅文	(18)

古文辞类纂六十七

辞赋类七	(21)
------------	------



扬子云甘泉赋·····	(21)
扬子云河东赋·····	(24)
扬子云羽猎赋·····	(25)
扬子云长杨赋·····	(29)
扬子云解嘲·····	(32)
扬子云解难·····	(35)
扬子云反离骚·····	(37)

古文辞类纂六十八

辞赋类八·····	(39)
班孟坚两都赋·····	(39)
傅武仲舞赋·····	(50)

古文辞类纂六十九

辞赋类九·····	(53)
张平子二京赋·····	(53)
张平子思玄赋·····	(70)

古文辞类纂七十

辞赋类十·····	(77)
王子山鲁灵光殿赋·····	(77)
王仲宣登楼赋·····	(80)



张茂先鷦鷯赋·····	(81)
潘安仁秋兴赋·····	(82)
潘安仁笙赋·····	(84)
潘安仁射雉赋·····	(86)
刘伯伦酒德颂·····	(88)
陶渊明归去来辞·····	(88)
鲍明远芜城赋·····	(89)

古文辞类纂七十一

辞赋类十一·····	(91)
韩退之讼风伯·····	(91)
韩退之进学解·····	(92)
韩退之送穷文·····	(93)
韩退之释言·····	(95)
苏子瞻前赤壁赋·····	(97)
苏子瞻后赤壁赋·····	(99)

古文辞类纂七十二

哀祭类一·····	(100)
屈原九歌·····	(100)
贾生吊屈原赋·····	(105)
汉武帝悼李夫人赋·····	(106)



古文辞类纂七十三

哀祭类二	(107)
韩退之祭田横墓文	(107)
韩退之潮州祭神文	(108)
韩退之祭河南张员外文	(108)
韩退之祭柳子厚文	(110)
韩退之祭侯主簿文	(111)
韩退之祭薛助教文	(112)
韩退之祭虞部张员外文	(112)
韩退之祭穆员外文	(113)
韩退之祭房君文	(114)
韩退之独孤申叔哀辞	(114)
韩退之欧阳生哀辞	(115)
李习之祭吏部韩侍郎文	(117)

古文辞类纂七十四

哀祭类三	(118)
欧阳永叔祭资政范公文	(118)
欧阳永叔祭尹师鲁文	(119)
欧阳永叔祭石曼卿文	(120)
欧阳永叔祭苏子美文	(121)
欧阳永叔祭梅圣俞文	(121)
苏子瞻祭欧阳文忠公文	(122)

目 录



苏子瞻祭柳子玉文	(123)
苏子由代三省祭司马丞相文	(124)
王介甫祭范颍州文	(125)
王介甫祭欧阳文忠公文	(126)
王介甫祭丁元珍学士文	(127)
王介甫祭王回深甫文	(128)
王介甫祭高师雄主簿文	(128)
王介甫祭曾博士易占文	(129)
王介甫祭李省副文	(129)
王介甫祭周几道文	(130)
王介甫祭束向原道文	(130)
王介甫祭张安国检正文	(131)
方灵皋宣左人哀辞	(132)
方灵皋武季子哀辞	(133)
刘才甫祭史秉中文	(134)
刘才甫祭吴文肃公文	(135)
刘才甫祭舅氏文	(135)



古文辞类纂六十五

辞赋类五

司马长卿子虚赋

楚使子虚使于齐，王悉发车骑与使者出畋。畋罢，子虚过姁乌有先生，亡是公存焉。坐定，乌有先生问曰：“今丑畋乐乎？”子虚曰：“乐。”“获多乎？”曰：“少。”“然则何乐？”对曰：“仆乐齐王之欲夸仆以车骑之众，而仆对以云梦之事也。”曰：“可得闻乎？”子虚曰：“可！王车驾千乘，选徒万骑，畋于海滨。列卒满泽，罟网弥山。掩兔鳞鹿，射麋脚麟。鹜于盐蒲，割鲜染轮。射中获多，矜而自功。顾谓仆曰：‘楚亦有平原广泽游猎之地，饶乐若此者乎？楚王之猎，孰与寡人乎？’仆下车对曰：‘臣，楚国之鄙人也。幸得宿卫，十有余年，时从出游，游于后园，览于有无，然犹未能遍睹也，又焉足以言其外泽乎，齐王曰：‘虽然，略以子



之所闻见而言之。’仆对曰：‘唯唯！臣闻楚有七泽，尝见其一，未睹其余也。臣之所见，盖特其小小者耳，名曰云梦。云梦者，方九百里，其中有山焉。其山则盘纡峩郁，隆崇崒崒，岑崒参差，日月蔽亏。交错纠纷，上干青云。罢池陂陀，下属江河。其土则丹青赭垩，雌黄白垩，锡碧金银，众色炫耀，照烂龙鳞。其石则赤玉玫瑰，琳琅昆吾，璚玖玄厉，硬石砢砢。其东则有蕙圃：蘼兰茝若射干，芎蒭菖蒲，江蓠靡芜，诸柘巴苴。其南则有平原广泽：登降陲靡，案衍坛曼，缘以大江，限以巫山。其高燥则生葳薢苞荔，薛莎青苹。其卑湿则生藏蓂蒹葭，东藩雕胡。莲藕菇芦，庵间轩于：众物居之，不可胜图。其西则有涌泉清池：激水推移，外发芙蓉菱华，内隐巨石白沙。其中则有神龟蛟鼉，玳瑁鼈鼉。其北则有阴林：巨树榑栲豫樟，桂椒木兰，檟离朱杨，楂梨棗栗，橘柚芬芳。其上则有鹓雏孔鸾，腾远射干。其下则有白虎玄豹，蝮蛇羆豸。于是乎乃使专诸之伦，手格此兽，楚王乃驾驯驳之驷，乘雕玉之舆，靡鱼须之桡旂，曳明月之珠旗，建干将之雄戟，左鸟号之雕弓，右夏服之劲箭。阳子骖乘，嫫阿为御，案节未舒，即陵狡兽；蹴蛩蛩，躡距虚，轶野马，过騊駼，乘遗风，射游騊。倏眈眈，雷动猋至。星流霆击，弓不虚发，中必决眦，洞胸达掖，绝乎心系。获若雨兽，掩草蔽地。于是楚王乃弭节徘徊，翱翔容与，览乎阴林，观壮士之暴怒，与猛兽之恐惧。徼郄受诘，殫睹众物之变态。于是郑女曼姬，被阿锡，揄绮缟，杂纤罗，垂雾縠，襞积褰



纒，纒徐委曲。郁桡溪谷。粉粉袞袞，扬袖戍削，蜚襪垂髯。扶輿猗靡，翕呬萃蔡。下靡兰蕙，上拂羽盖。错悲翠之葳蕤，缪绕玉绥。眇眇忽忽，若神仙之仿佛。于是乃相与獠于惠圃，嫫嫫勃窣。而上乎金堤，掩悲翠，射鹄鹑。微矰出，娥缴施。弋白鹄，连驾鵞。双鹄下，玄鹄加。怠而后发，游于清池。浮文鹄，扬旌棹，张翠帷，建羽盖。网玳瑁，钩紫贝。枳金鼓，吹鸣籥。榜人歌，声流喝。水虫骇，波鸿沸。泉涌起，奔扬会。碣石相击，硠硠礚礚，若雷霆之声，闻乎数百里之外。将息獠者，击灵鼓，起烽燧，车案行，骑就队。緬乎淫淫，般乎裔裔。于是楚王乃登云阳之台，泊乎无为，淡乎自持，勺药之和具而后御之。不若大王终日驰骋，曾不下舆，脔割轮淬，自以为娱。臣窃观之，齐殆不如。’于是齐王无以应仆也。”

乌有先生曰：“是何言之过也？足下不远千里，来贖齐国。王悉发境内之士，备车骑之众，与使者出畋，乃欲戮力致获，以娱左右。何名为夸哉？问楚地之有无者，愿闻大国之风烈，先生之余论也。今足下不称楚王之德厚，而盛推云梦以为高，奢言淫乐而显侈靡，窃为足下不取也。必若所言，固非楚国之美也。无而言之，是害足下之信也。彰君恶，伤私义，二者元一可，而先生行之，必且轻于齐而累于楚矣。且齐东踔巨海，南有琅邪，观乎成山，射乎之罘，浮渤澥，游孟诸。邪与肃为慎为邻，右与暘谷为界。秋田乎青丘，彷徨乎海外。吞若云梦者八九于其胸中，曾不蒂芥。



若乃假傖瑰玮，异方殊类。珍怪鸟兽，万端鳞萃。充牣其中，不可胜记。禹不能名，离不能计，然在诸侯之位，不敢言游戏之乐，苑囿之大。先生又见客，是以王辞不复，何为元以应哉？”

司马长卿上林赋

亡是公听然而笑曰：“楚则失矣，而齐亦未为得也。夫使诸侯纳贡者，非为财币所以述职也。封疆画界者，非为守御所以禁淫也。今齐列为东藩，而外私肃慎。捐国逾限，越海而田，其于义固未可也。且夫二君之论，不务明君臣之义，正诸侯之礼，徒事争游戏之乐，苑囿之大，欲以奢侈相胜，荒淫相越。此不可扬名发誉，而适足以贬君自损也。”

“且夫齐、楚之事，又焉足道乎？君未睹夫巨丽也，独不闻天子之上林乎？左苍梧，右西极，丹水更其南，紫渊径其北，终始灞浐，出入泾渭，酆镐潦漓，纡余委蛇。经营乎其内，荡荡乎八川分流，相背而异态，东西南北，驰骛往来。出乎椒邱之阙，行乎洲淤之蒲。经乎桂林之中，过乎泱泱之野。汨乎混流，顺阿而下，赴隘陋之口，触穹石，激堆埼。沸乎暴怒，汹涌澎湃。泮沸宓汨，逼侧泌沛。横流逆折，转腾激洌。滂濞沆溉，穹隆云桡。宛弹胶盭，逾波趋浥。莅莅下瀨，披岩冲拥。



奔扬滞沛，临坻注壑。漉潘陨坠，沉沉隐隐。砰磅訇磕，潏潏淈淈。潏潏鼎沸，驰波跳沫。汨漉漂疾，悠远长怀。寂渗无声，肆乎永归。然后灏漾潢漾，安翔徐回。嚳乎滴滴，东注太湖，衍溢陂池。

“于是乎，蛟龙赤螭，鲟鳢渐离。鰕蛄鮀魮，禺禺魼魼。捷鳍掉尾，振鳞奋翼，潜处乎深岩。鱼鳖欢声，万物众夥。明月珠子，的皪江靡。蜀石黄磬，水玉磊砢。磷磷烂烂，呆色滹汗，丛积乎其中。鸿鹄鹄鹄，驾鹅属玉，交精旋目，烦鹜庸渠，箴疵鵒卢，群浮乎其下。沉淫泛滥，随风淡淡。与波摇荡，掩薄水渚。唼唼槽藻，咀嚼菱藕。

“于是乎，崇山矗矗，龙岌崔巍。深林巨木，崿岩参差。九峻嶸嶸，南山峨峨。岩弛甌锜，摧峯崛崎。振溪通谷，蹇产沟渎。谿呀豁閤，阜陵别陂。嵒碗崑崙，邱虚堀砢。隐辚郁岨，登降施靡。陂池獬豸，沉溶淫濞。散涣夷陆，亭皋千里，靡不被筑。掩以绿蕙，被以江蓠，糅以麋芜，杂以留夷。布结缕，攒戾莎，揭车蘼兰。稿本射干，茝姜蘘荷。葳橙若蓀，鲜支黄砾。蒋苕青蘋，布濩宏泽。延蔓太原，离靡广衍。应风披靡，吐芳扬烈。郁郁菲菲，众香发越。肸蚨布写，暗蔓咈苒。

“于是乎，周览泛观，缜纷轧苐。芒芒恍忽，视之无端，察之无涯。日出东沼，入乎西陂。其南则隆冬生长，涌水跃波。其兽则猜旄貍羴，沉牛麇麇。赤首圜题，穷奇象犀。其北则盛夏含冻裂地，涉冰揭河。其兽则麒麟角端，騊橐驻。蛩蛩骅骝，驶驥驴羸。



古文辞类纂

“于是乎，离宫别馆，弥山跨谷，高廊四注，重坐曲阁；华棖壁趟，辇道纚属。步桐周流，长途中宿，夷峻筑堂，累台增成。岩壑洞房，俯杳眇而无见。仰攀橑而扞天，奔星更于闺闼。宛虹地于楯轩，青龙蚴蟉于东厢。象舆婉孌于西清，灵囿燕于闲馆。嵬俭之伦，暴于南荣。醴泉涌于清室，通川过于中庭。盘石振崖，嵌岩倚倾。嵯峨裊嶭，刻削峥嵘。玫瑰碧琳，珊瑚丛生。璚玉旁唐，玢幽文鳞。赤瑕驳荦，杂沓其间。晁采琬琰，和氏出焉。

“于是乎，卢橘夏孰，黄甘橙棖。枇杷燃柿，亭奈厚朴。檇枣杨梅，樱桃蒲陶。隐夫莫棣，答逐离支。罗乎后宫，列于北园。她丘陵下平原，扬翠叶，机紫茎，发红华，垂朱荣。煌煌扈扈，照曜巨野。沙棠栳楮，华枫枰栌。留落胥邪，仁频并闾。槐檀木兰，豫章女贞。长千仞，大连抱。夸条直畅，实叶俊楙，描立丛倚。连卷栖偃，崔错发散。抗衡阊阓，垂条扶疏。落英幡緌，纷溶箭蓼。猗猗从风，浏莅卉歙。盖象金石之声，管箫之音，倬池此虎，旋还乎后宫。杂袭累辑，被山缘谷，循坂下隰，视之无端，究之无穷。

“于是乎，玄猿素雌，蜚蠊飞蝎，蛭蝮蠃獠，獬胡谷蟾。栖息乎其间，长啸哀鸣。翩幡互经，夭蛭枝格。偃蹇杪颇，邈绝梁，腾殊榛，捷垂条，掉希间，牢落陆离，烂熳远迁。若此者，数百千处。娱游往来，宫宿馆舍，庖厨不徙。后宫不移，百官备具。

“于是乎，背秋涉冬，天子校猎。乘镂象，六玉



虬，挖蜺旌，靡云旗，前皮轩，后道游。孙叔奉饗，卫公参乘，扈从横行，出乎四校之中。鼓严簿，纵猎者，河江为陆，泰山为橹，车骑雷起，殷天动地。先后陆离，离散别追，淫淫裔裔，缘陵流泽，云布雨施。生貔豹，搏豺狼，手熊黑，足野羊，蒙鹞苏，繄自虎被斑文，跨野马，凌三峻之危，下磧历之坻。径峻赴险，越壑厉水。椎飞廉，弄獬豸，格虾蛤，鋌猛氏，縶驂裹，射封豕。箭不苟害，解脰陷脑。弓不虚发，应声而倒。

“于是乎，乘輿弭节徘徊，翱翔往来。睨部曲之进退，览将帅之变态。然后，浸淫促节，倏复远去。流离轻禽，楚履狡兽。轳白鹿，捷狡兔；轶赤电，遗光耀；追怪物，出宇宙；弯蕃弱，满自羽；射游泉，栝飞遽。择肉而后发，先中而命处。弦矢分，艺殖仆。然后扬节而上浮，凌惊风，历骇猋；乘虚无，与神俱；躡玄鹤，乱昆鸡；遁孔鸾，促鵠鷃；拂翳鸟，捎凤皇；捷鹳鹖，掩焦明，道尽涂殫，回车而远。招摇乎儻佯，降集乎北纁。率乎直指，暗乎反乡。蹶石关，历封峦，过鵠鹄，望露寒，下棠梨，息宜春。西驰宣曲，濯鹖牛首。登龙台，掩细柳，观士大夫之勤略，均猎者之所得获。徒车之所轳輶，步骑之所蹂若，人臣之所蹈借。与其穷极倦馑，惊惮讐伏，不被创刃而死者，他他借借填坑满谷，掩平弥泽。

“于是乎，游戏懈怠，置酒乎颢天之台，张乐乎胶葛之寓。撞千石之钟，立万石之虞。建翠华之旗，树



灵鼉之鼓。奏陶唐氏之舞，听葛天氏之歌。千人倡，万人和，山陵为之震动，川谷为之荡波。巴渝宋蔡，淮南干遮，交成颠歌，族居递奏。金鼓迭起，铿锵闾鞀，洞心骇耳。荆吴郑卫之声，韶濩武象之乐，阴淫案衍之音，鄢郢缤纷，激楚结风。徘徊侏儒狄鞮之倡，所以娱耳目，乐心意者，丽靡烂漫于前，靡曼美色于后。若夫青琴宓妃之徒，绝殊离俗，妖冶嫋都，靚粧刻饰，便嬛绰约，柔桡嫋娟，妩媚孌弱，曳独茧之褕袂，眇阎易以恤削。便姗嫫屑与俗殊服，芬芳沤郁。酷烈淑郁，皓齿粲烂，宜笑的眄；长眉连娟，微睇绵藐，色授魂与，心愉于侧。

“于是酒中乐酣，天子芒然而思，似若有亡。曰：‘嗟乎！此太奢侈，朕以览听余闲，无事弃日，顺天道以杀伐，时休息于此。恐后叶靡丽，遂往而不返，非所以为继嗣创业垂统也。’于是乎乃解酒罢猎，而命有司曰：‘地可垦辟，悉为农郊。以瞻萌隶，头墙填塹，使山泽之人得至焉。实陂池而勿禁，虚官馆而勿仞，发仓廩以救贫穷。补不足，恤鰥寡，存孤独，出德号，省刑罚，改制度，易服色，革正朔，与天下为更始。

“于是乎，历吉日以斋戒，袭朝服，乘法驾，建华旗，鸣玉鸾，游于六艺之囿，驰骛乎仁义之途，览观《春秋》之林。射狸首，兼驯虞，弋玄鹤，舞干戚，载云早，掩群雅，悲伐攘，乐乐胥。修容乎礼园，翱翔乎书圃。述易道，放怪兽，登明堂，坐清庙，次群臣，奏得失。四海之内，靡不受获。于斯之时，天下大悦。



向风而听，随流而化。岿然兴道而迁义，刑错而不用。德隆于三王，而功羨于五帝。若此，故猎乃可喜也。若夫终日驰骋，劳神苦形，罢车马之用，挖士卒之精，费府库之财，而无德厚之恩，务在独乐，不顾众庶。忘国家之政，贪雉兔之获，则仁者不由也。从此观之，齐楚之事，岂不哀哉？地方不过千里，而圃居九百，是草木不得垦辟，而民无所食也。夫以诸侯之细，而乐万乘之侈，仆恐百姓被其尤也。”

于是二子愀然改容，超若自失，逡巡避席曰：“鄙人固陋，不知忌讳。乃今日见教，谨受命矣。”

东方曼倩非有先生论

非有先生仕于吴，进不称往古以厉主意，退不能扬君美以显其功，默然无言者三年矣。吴王怪而问之曰：“寡人获先人之功，寄于众贤之上夙兴夜寐，未尝敢怠也。今先生率然高举，远集吴地，将以辅治寡人，诚窃嘉之。体不安席，食不甘味，目不视靡曼之色，耳不听钟鼓之音，虚心定志，欲闻流议者，三年于兹矣。今先生进无以辅治，退不扬主誉，窃不为先生取之也。盖怀能而不见，是不忠也；见而不行，主不明也。意者寡人殆不明乎？”非有先生伏而唯唯。

吴王曰：“可以谈矣。寡人将竦意而览焉。”先生